



Alþingi
Erindi nr. P 140/445
komudagur 25.11.2011

Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Reykjavík 25.11.2011
Tilvísun: 201111-0017

Efni: Frumvarp til laga um skattaávilnanir í þágu tilgreindra félagasamtaka (107 mál).

Alþýðusamband Íslands leggst ekki gegn frumvarpi þessu en leggur til að upp í greinargerð frumvarpsins verði tekin skýring sem tryggi að samtök launafólks sem eru stærstu frjálsu félagasamtök á Íslandi sem starfa í þágu almennings sem og sjóðir þeirra sem notaðir eru til sömu og samkynja verkefna og þeir málaflokkar sem tilgreindir eru í 16. gr. reglugerðar nr. 483/1994 lúta að, séu án vafa í hópi þeirra sem löggin og reglugerðin taka til.

Virðingarfyllt,

Magnús M. Norðdahl hrl.
Lögfræðingur ASÍ.

Alþýðusamband Íslands

Sæturni 1 • Reykjavík
Sími: 535 5600 • Fax: 535 5601
asi@asi.is • www.asi.is



Nefndasviðs Alþingis,
Austurstræti 8-10,
150 Reykjavík.

Alþingi
Erindi nr. P 140/116
komudagur 14.11.2011

Reykjavík 14 nóvember 2011

Efni: Umsögn um frumvarp til laga um skattaívilnanir í þágu tilgreindra félagasamtaka (skattfrádráttur vegna gjafa), 107. mál.

Blindrafélagið mælir eindregið með samþykkt þessarar tillögu. Það er staðreynd, sem bent hefur verið á, og haldið til haga af Almannaheill, samtökum þriðja geirans, að skattaumhverfi líknar og góðgerðarsamtaka, er mun óhagstæðara hér á landi en í mörgum nágrannalöndum okkar. Þar skiptir miklu mál sú skattlagning sem lögð er á gjafir til þessara samtaka. Varðandi frekari upplýsingar þar að lútandi vísast á Fræðasetur þriðja geirans við Háskóla Íslands.

Að skattleggja gjafir til þessara samtaka með sama hætti og gjafir til einstaklinga eða almennra lögaðila er ekki líklegt til að virka hvetjandi til að einstaklingar og/eða fyrirtæki láti fé af hendi rakna til þeirrar mikilvægu samfélagslegu verkefna sem þessi samtök sinna. Í því ljósi má fullyrða á meðan svo er þá verði samfélagið af tilteknum verðmætum sem að öðrum kosti hefðu runnið til þess.

Verði frumvarpið að lögum er mjög mikilvægt að gerð verði tilteknar lágmarks kröfur til starfsemi slíkra samtaka svo að þau fái skráð sem samtök sem njóta undanþágu frá slíkri skattlagningu.

Virðingarfyllst,

Kristinn Halldór Einarsson
formaður Blindrafélagsins, samtaka
blindra og sjónskertra á Íslandi.



*Alþingi
Erindi nr. P 140/218
komudagur 17.11.2011*

Umsögn um frumvarp til laga um skattaívilnanir í þágu tilgreindra félagasamtaka.

Stjórn Félags nýrnasjúkra fagnar frumvarpi til laga um skattaívilnanir í þágu tilgreindra félagasamtaka. Líknarfélög byggja starfsemi sína alfarið eða að stórum hluta á sjálfboðavinnu við störf í þágu alls samfélagsins. Það er því réttlætismál að þau geti þegið gjafir án þess að gefandinn þurfi jafnframt að greiða skatt af því fé sem hann lætur af hendi rakna. Á sama hátt er það réttlætismál að líknarfélög þurfi ekki að greiða erfðafjárskatt af arfi eða dánargjöfum sem þau kunna að fá.

Þetta er þó aðeins fyrsta skrefið. Þótt enginn eða lítill hluti af útgjöldum líknarfélaga fari í launakostnað þurfa þau að kaupa vörur og þjónustu vegna starfsemi sinnar. Af þessum vörum og þjónustu greiða þau fullan virðisaukaskatt. Því skorar stjórn félagsins á flutningsmenn tillögunnar og þá nefnd sem fær frumvarpið til umsagnar að stíga skrefið til fulls og veita líknarfélögum einnig ívilnun frá virðisaukaskatti.

Reykjavík 17. nóvember 2011
f.h. stjórnar Félags nýrnasjúkra
Jórunn Sörensen formaður



Alþingi
Erindi nr. Þ 140/738
komudagur 9.12.2011

Nefndasvið Alþingis
Austurstræti 8-10
150 REYKJAVÍK

Hallveigarstöðum, 24. nóvember 2011

Efni: Umsögn Kvenfélagasambands Íslands um frumvarp til laga um skattaávilnanir í þágu tilgreindra félagasamtaka. Þingskjal 107 - 107. mál. 140. löggjafarþing 2011–2012.

Kvenfélagasambandið lýsir ánægju sinni með framkomið frumvarp og markmið þess og telur mikinn ávinning af því fyrir samfélagið ef frumvarpið nær fram að ganga.

Innan Kvenfélagasambands Íslands starfa 170 kvenfélög í 17 héraðssamböndum með starfssemi um allt land.

Það er mörgum ljóst að starfssemi kenfélaganna hefur skipt sköpum fyrir samfélagið svo lengi sem þau hafa starfað. Sumir eru þó meðvitaðri um það er aðrir, starfa sinna vegna.

T.d. komst forstjóri Landspítalans svo að orði í pistli sem hann birti á vef spítalans á aðfangadag jóla árið 2010: „Aðfangadagur jóla einkennist af gæsku og gjafmildi. Þetta er okkur hér á Landspítala áminning um að spítalinn er að miklu leyti orðinn háður gjöfum félagasamtaka, fyrirtækja og einstaklinga til að hægt sé að viðhalda og endurnýja tæki og búnað spítalans“

Það er afar áriðandi að koma á móts við félagasamtök og sýna þeim sanngirni nú þegar starfssemi þeirra er brýnni en oft áður. Verði frumvarpið samþykkt er það hvatning fyrir einstaklinga sem og fyrirtæki að styðja starfssemi félagasamtaka til góðra verka.

Kvenfélagasamband Íslands styður frumvarpið og hvetur Alþingi til að samþykkja það.

f.h. Kvenfélagasambands Íslands


Hildur Helga Gísladóttir
framkvæmdastjóri



Alþingi
Erindi nr. P 140/652
komudagur 24.11.2011

Nefndasvið Alþingis
Austurstræti 8-10
150 REYKJAVÍK

Hallveigarstöðum, 24. nóvember 2011

Efni: Umsögn Kvenfélagasambands Íslands um frumvarp til laga um skattaívilnanir í þágu tilgreindra félagasamtaka. Þingskjal 107 - 107. mál. 140. löggjafarþing 2011–2012.

Kvenfélagasambandið lýsir ánægju sinni með framkomið frumvarp og markmið þess og telur mikinn ávinning af því fyrir samfélagið ef frumvarpið nær fram að ganga.

Innan Kvenfélagasambands Íslands starfa 170 kvenfélög í 17 héraðssamböndum með starfssemi um allt land.

Það er mörgum ljóst að starfssemi kenfélaganna hefur skipt sköpum fyrir samfélagið svo lengi sem þau hafa starfað. Sumir eru þó meðvitaðri um það er aðrir, starfa sinna vegna.

T.d. komst forstjóri Landspítalans svo að orði í pistli sem hann birti á vef spítalans á aðfangadag jóla árið 2010: „*Aðfangadagur jóla einkennist af gæsku og gjafmildi. Þetta er okkur hér á Landspítala áminning um að spítalinn er að miklu leyti orðinn háður gjöfum félagasamtaka, fyrirtækja og einstaklinga til að hægt sé að viðhalda og endurnýja tæki og búnað spítalans*“

Það er afar áriðandi að koma á móts við félagasamtök og sýna þeim sanngirni nú þegar starfssemi þeirra er brýnni en oft áður. Verði frumvarpið samþykkt er það hvatning fyrir einstaklinga sem og fyrirtæki að styðja starfssemi félagasamtaka til góðra verka.

Kvenfélagasamband Íslands styður frumvarpið og hvetur Alþingi til að samþykkja það.

f.h. Kvenfélagasambands Íslands

Hildur Helga Gísladóttir
framkvæmdastjóri

Nefndasvið Alþingis
Austurstræti 8-10
150 Reykjavík

Reykjavík, 17. nóvember 2011

Tilv. 40.13

Efni: Umsögn Landspítala um frumvarp til laga um skattaívilnanir í þágu tilgreindra félagasamtaka -107. mál.

Landspítali er A-hluta ríkisstofnun. Það má því segja að það leikist á tvenn misvísandi sjónarmið þegar rætt eru um skattaívilnanir. Annars vegar þar sem slíkar ívilnanir eru til þess fallnar að minnka ráðstöfunarfé ríkissjóðs og þar með það fé sem er til ráðstöfunar fyrir ríkisstofnanir almennt. Það sjónarmið mælir því gegn því að spítalinn sé hlynntur slíkum skattaívilnunum. Hins vegar má búast við að slíkar ívilnanir auki vilja einstaklinga og félaga til að láta fé af hendi rakna til líknarmála, rannsókna og heilbrigðisstofnana, auk þess sem gjafafé eykst sem nemur núverandi skattgreiðslum. Það sjónarmið mælir með breytingu þessari og er ótvírætt til hagsbóta fyrir Landspítala.

Að virtum þessum tveimur sjónarmiðum er ljóst að Landspítali hefur ríkari hagsmuni af því að skattaívilnanir sem frumvarpið gerir ráð fyrir nái að fram að ganga. Þar hefur mest að segja að ívilnanirnar koma tiltölulega fáum aðilum að gagni á meðan fjármagnið sem ella hefði runnið til ríkissjóðs dreifist á alla starfsemi ríkisins og allar ríkisstofnanir.

Landspítali hefur í gegnum tíðina notið góðs af gjöfum einstaklinga og félaga, m.a. með dánargjöfum, arfleiðslu eða söfnunum. Ýmsir þættir í starfseminni reiða sig á slíka fjármögnun.

Landspítali telur einsýnt að höfundar frumvarpsins hafi haft slíkar gjafir til spítalans í huga við samningu frumvarpsins, t.d. gjafir til Barnaspítala Hringins, krabbameinsdeildar LSH, Grensásdeildar, líknardeildar o.fl. Af því tilefni má velta því fyrir sér hvort orðalag frumvarpsins sé nægilega skýrt hvað þetta varðar. Þær tilvísanir í frumvarpinu sem einna helst varða Landspítala eru annars vegar „viðurkennd líknarstarfsemi“ og hins vegar „vísindaleg rannsóknarstörf“. Þó svo að frumvarpið geri ráð fyrir að nánar verði kveðið á um málaflokka og stofnanir í reglugerð telur Landspítali að orðalag frumvarpsins mætti kveða skýrar á um þá starfsemi sem hér um ræðir til að taka af allan vafa. Í 7. mgr. 42. gr. laga um virðisaukaskatt, nr. 50/1988, er kveðið á um endurgreiðslu virðisaukaskatts af tækjum og búnaði sem mannúðar- og líknarstofnanir fá að gjöf eða kaupa. Þetta orðalag hefur náð til sjúkrastofnana, en mætti þó vera skýrara. Telja verður að orðið „líknarstarfsemi“ sé ekki nógu skýrt. Því er lagt til að fyrstu þrjár greinar frumvarpsins hljóði svo (breytingatillögur Landspítala eru undirstrikaðar og feitletraðar):

„I. KAFLI

Breyting á lögum nr. 90/2003, um tekjuskatt, með síðari breytingum.

1. gr.

Við 28. gr. laganna bætist nýr töluliður, svohljóðandi: Eignaauki vegna arftöku, fyrirframgreiðslu arfs og dánargjafa til kirkjufélaga, viðurkenndrar mannúðar-, heilbrigðis- og líknarstarfsemi, menningarmála og vísindalegra rannsóknarstarfa. Ráðherra ákveður með reglugerð hvaða málaflokkar og stofnanir falla undir þennan tölulið.

2. gr.

Við A-lið 30. gr. laganna bætist nýr töluliður, svohljóðandi: Einstakar gjafir til kirkjufélaga, viðurkenndrar mannúðar-, heilbrigðis- og líknarstarfsemi, menningarmála og vísindalegra rannsóknarstarfa enda sé gjöfin ekki undir 50.000 kr. Ráðherra ákveður með reglugerð hvaða málaflokkar og stofnanir falla undir þennan tölulið.

II. KAFLI

Breyting á lögum nr. 14/2004, um erfðafjárskatt, með síðari breytingum.

3. gr.

Við 1. gr. laganna bætist ný málsgrein, svohljóðandi:

Ekki skal greiða erfðafjárskatt af arfi, gjafaarfi, dánargjöfum, fyrirframgreiddum arfi og gjöfum til kirkjufélaga, viðurkenndrar mannúðar-, heilbrigðis- og líknarstarfsemi, menningarmála og vísindalegra rannsóknarstarfa. Ráðherra ákveður með reglugerð hvaða málaflokkar og stofnanir falla undir þessa málsgrein.“

Virðingarfyllst,

fh. Landspítala



Ólafur Baldursson, starfandi forstjóri

Alþingi
Erindi nr. P 140/05
komudagur 14.11.2011

CONSUMERS ASSOCIATION OF ICELAND
ASSOCIATE MEMBER OF IC, BEUC and ICRT


NEYTENDASAMTÖKIN

Nefndasvið Alþingis
Efnahags- og viðskiptanefnd
Austurstræti 8 – 10.
150 Reykjavík

HVERFISGÖTU 105
101 REYKJAVÍK


SÍMI 545 1200
FAX 545 1212
Netfang ns@ns.is
www.ns.is

Reykjavík, 11. nóvember 2011

Athugasemdir við frumvarp til laga um skattaúvilnanir í þágu tilgreindra
félagasamtaka (skattafrádráttur vegna gjafa), 107. mál.

Neytendasamtökin styðja frumvarp þetta og hvetja til samþykktar þess.

Virðingarfyllst,
f.h. Neytendasamtakanna,


Jóhannes Gunnarsson, formaður.

Alþingi
Erindi nr. P 140/113
komudagur 14.11.2011

Alþingi
efnahags- og viðskiptanefnd
Austurstræti 8
150 REYKJAVÍK
Reykjavík, 14. nóvember 2011
R2011110036

Efni: Umsögn ríkisskattstjóra um frumvarp til laga um skattaívilnanir í þágu tilgreindra félagasamtaka - 107. mál, þskj. 107.

Ríkisskattstjóri hefur þann 9. nóvember 2011 móttengið tölvupóst þar sem embættinu er gefinn kostur á að veita umsögn um ofangreint þingmál.

Með frumvarpinu er lagt til að lögfestar verði „skattaívilnanir sem hugsaðar eru í þágu frjálsra félagasamtaka á sviði menningarmála, vísindalegra rannsóknarstarfa, viðurkenndra líknarstarfsemi og kirkjufélaga.“ Yrði frumvarpið að lögum yrði einstaklingum heimilt að draga gjafir til slíka samtaka frá skatti. Jafnframt er lagt til að samtökum sem þessum verði ekki gert að greiða erfðafjárskatt af arfi í hvaða mynd sem er sem þeim áskotnast.

Af þessu tilefni bendir ríkisskattstjóri á að skv. frumvarpinu yrði um að ræða frádrátt frá tekjuskattsstofni en ekki frádrátt frá skatti. Ákvörðun um að heimila frádrátt sem þennan er af stjórnmálalegum toga og af þeim sökum telur ríkisskattstjóri það ekki heyra undir valdssvið sitt að gera athugasemdir við efni frumvarpsins sem slíks.

Ríkisskattstjóri leyfir sér þó að benda á að allar undanþágur og frádrættir gera skattkerfið flóknara og þá er hætt við að ýmis álitaefni rísi við túlkun slíkra ákvæða og út frá þeim sjónarmiðum er lýst efasemdum um ágæti þessa fyrirkomulags.

Að öðru leyti gerir ríkisskattstjóri ekki athugasemdir við efni frumvarpsins.

Virðingarfyllst



Nefndarsvið Alþingis
Efnahags- og viðskiptanefnd Alþingis
Austurstræti 8-10
150 Reykjavík

Reykjavík, 22. nóvember 2011

Umsögn stjórnar SÁÁ, Samtaka áhugafólks um áfengis- og vímuefnavandann, vegna frumvarps til laga um skattaívilnanir í þágu tilgreindra félagasamtaka, 107. mál.

Stjórn SÁÁ styður markmið þessa frumvarps; að búa til skattalegan hvata til að auka framlög borgaranna til frjálsra félagassamtaka sem starfa að líknar- og menningarmálum. Stjórn SÁÁ telur hins vegar að frumvarpið gangi of skammt til að ná fram ávinningi af aukinni félagslegri virkni í samfélaginu með breyttum skattalögum.

Það þarf ekki að kynna fyrir Alþingismönnum hvaða gildi starfsemi frjálsra félagasamtaka hafa í samfélaginu. Þau sinna sem kunnugt er margvíslegri starfsemi sem í flestum tilfellum yrði að öðrum kosti á herðum ríkisvalds eða sveitarfélaga. Margt af þessari starfsemi er unnið samkvæmt samningum við opinbera aðila. Hið opinbera greiðir þá fyrir þjónustu sem félagssamtökin inna af hendi. Annað er umið fyrir eigið aflafé samtakanna. Og stundum á þetta hvorugtveggja við: Ríki og sveitarfélög greiða hluta af kostnaði við tiltekna starfsemi sem samtökin borga einnig af eigin aflafé.

Þessi verkaskipting frjálsra félagasamtaka og hins opinbera hefur marga kosti. Samtökin eru oft á tíðum nátengdari viðfangsefnum sínum en ríkisstofnanir geta orðið. Þau eru byggð upp af félagsmönnum með sérstakan áhuga á eða tengsl við viðfangsefni samtakanna. Af þessum sökum hafa samtök innbyggðan hvata til að leita hagkvæmra lausna til að nýta vel fjármuni; en eins hvata til bestu forgangsriðunar út frá hagsmunum viðfangsefnisins. Mörg frjáls félagasamtök geta nýtt sér framlög sjálfbóðaliða til að nýta fjármuni betur — en hinu opinbera er það nánast ómögulegt. Lýðræðisleg uppbygging þessara samtaka veitir starfseminni síðan aðhald og eftirlit, sem dregur úr kostnaði við stjórnsýslu og yfirbyggingu. Frjáls félagasamtök fara því oftast vel með fé og nýta það vel, forgangsraða verkefnum út frá þörfum skjólstæðinga eða viðfangsefnis og búa við virkt lýðræðislegt eftirlit og aðhald.

Þar sem aðkoma frjálsu félagasamtaka að viðfangsefnum sínum er önnur en ríkis og sveitarfélaga; verða áherslur þeirra aðrar. Það er gott — og tryggir fjölbreyttari lausnir, margbreytilegri aðferðir og fleiri raddir í umræðuna. Það er nánast ógeðfelld tilhugsun að hugsa sér samfélag þar sem ríki og sveitarfélög sætu uppi með öll viðföng frjálsra félagasamtaka.

En þótt hægt sé með þessum hætti að sýna fram á hvernig frjáls félagasamtök auka skilvirkni í framkvæmd, spara fjármuni og auka fjölbreytileika lausna og verkefna; þá skiptir ekki minna máli að með skattaívilnunum má örva einstaklinga til félagslegrar þátttöku og auka þar með félagslega virkni og lýðræðisprek í samfélaginu. Löggjafinn hefur áður notað skattalög til að ýta undir tiltekna hegðun borgaranna. Þannig hefur verið ýtt undir sparnað og fjárfestingar í hlutafélögum með ívilnun.



Húsnæðis kaup og skuldsetning hefur líka verið verðlaunuð. Löggjafinn hefur ýtt undir starfsemi verkalýðsfélaga með skylduðild og með því að heimila félögunum að innheimta félagsgjöld og gjöld í ýmsa sjóði — sem er einskonar skattheimta þótt gjöldin renni ekki í ríkissjóð. Þannig eru margs kyns fordæmi fyrir því að löggjafinn beiti skattalögum til að ýta undir æskilega samfélagshegðun.

Þótt stjórn SÁÁ hafi ekki gert á því sérstakar kannanir; þá er margt sem bendir til að þátttaka borgaranna í félagsstarfi ýmisskonar hafi minnkað á umliðnum árum og áratugum. Þetta má merkja í stjórnmalaflokkum, verkalýðsfélögum, ungmenna- og íþróttafélögum og áhugamannafélögum ýmiskonar. Þetta er miður. Það er mikilvægt öllum samfélögum að borgararnir kjósi að starfa saman að hugsjónum sínum og áhugamálum og finni til þess að þátttaka þeirra skipti máli og að þeir geti með starfi sínu haft mótandi áhrif á samfélagið sem þeir tilheyra. Án virks félagslífs getur samfélagið misst niður skapandi afl borgaranna, sem líta þá ekki á sig sem þátttakendur eða skapendur samfélagsins heldur sem neytendur þess og þiggjendur. Það er því mikilvægt að löggjafinn sporni gegn minnkandi félagslegri virkni og ýti undir hana með öllum tiltækum ráðum — þar með töldum skattaívilnunum.

Þótt árgjöld og fjárframlög félagsmanna séu frjálsum félagssamtökum mikilvæg er félagsleg virkni félaganna enn mikilvægari; þátttaka þeirra í starfi, umræðu og stefnumörkun, gagnrýni og aðhald. Auðugt félag með fáa óvirka félagsmenn getur eflaust gert ýmislegt en þó líklega mun minna en blankt félag fengi áorkað með fjölda virkra félaga.

Stjórn SÁÁ leggur því til að efnahags- og viðskiptanefnd Alþingis víkki út heimildir þessa frumvarps svo þær nái einnig utan um árgjöld til frjálsra félagasamtaka auk myndarlegra fjárgjafa. Með því væri löggjafinn að vernda og styðja starfsemi í frjálsum félagasamtökum sem eina af grunnstöðum virks og lýðsræðislegs samfélags. Skilyrði félaga og samtaka fyrir slíkum skattaívilnunum ætti að vera lýðsræðisleg uppbygging, opin og virk þátttaka félagsmanna í starfsemi, umræðu og stefnumótun, auðvelt aðgengi að upplýsingum um starfsemina og viðurkennd endurskoðun reikninga.

Stjórn SÁÁ hefur ekki borið saman stuðning ríkisvaldsins við félagsrekstur eða skattalega stöðu stjórnmalaflokka, verkalýðs- og stéttafélaga, kirkjusókna og annara félaga — en án efa má draga úr hugsanlegu tekjutapi ríkissjóðs vegna þessa frumvarps með því að samræma skattalega stöðu mismunandi félagsforma og félaga með mismunandi starfsvettvang.

Í stuttu máli styður stjórn SÁÁ markmið þessa frumvarps en hvetur Alþingi til að láta það ná yfir öll framlög til frjálsra og lýðræðislegra félagasamtaka og beita þannig skattalögum til að auka félagslega þátttöku og lýðræðisvirkni í samfélaginu.

Fyrir hönd stjórnar SÁÁ

Gunnar Smári Egilsson,
Formaður SÁÁ

Alþingi
Erindi nr. P 140/164
komudagur 15.11.2011



Skrifstofa Alþingis
Nefndasvið
Austurstræti 8-10
150 Reykjavík

SÍBS | Icelandic Chest Patients Association
Síðumúli 6 | IS-108 Reykjavík | Iceland
tel +354 560 4800 | fax +354 562 9150
sibs@sibs.is | www.sibs.is

**Efni: Umsögn um frumvarp til laga um skattaívilnanir í þágu tilgreindra
félagasamtaka (skattfrádráttur vegna gjafa), 107. mál**

Umsögn: SÍBS óskar eftir því að í frumvarpinu verði sérstaklega nefnd til sögunnar sjúklingafélög og stofnanir þeirra, þannig að við upptalninguna í 1., 2. og 3. gr., þar sem nú stendur “kirkjufélaga, viðurkenndrar líknarstarfsemi, menningarmála og vísindalegra rannsóknarstarfa” bætist við orðin “sjúklingafélaga og stofnana þeirra”.

Greinargerð: Sjúklingafélög eru frjáls félagasamtök sem vinna að málefnum sem teljast til almannaheilla: allt frá fræðslu og forvarnastarfsemi til uppbyggingar á heilsugæslunni og innviðum hennar með gjöfum, gegnum eigin rekstur, eða starf sjálfboðaliða. Í tilfelli SÍBS og annarra félaga er hluta þessa rekstrar komið fyrir í sérstökum félögum, sem í tilfelli SÍBS eru Reykjalundur og Múlalundur, auk þess sem flest félögin reka sjóði, oft undir eigin kennitölu. Þess vegna er mikilvægt að öyggjandi sé, að gjafir til slíkra stofnana falli einnig undir lög.

Um SÍBS: SÍBS er samband sjúklingafélaga á sviði brjóstholssjúkdóma með á sjöunda þúsund félagsmanna. Innan sambandsins eru eftirtalin félög: Hjartaheill – Landssamtök hjartasjúklinga; Astma- og ofnæmisfélagið; Samtök lungnasjúklinga; Berklavörn; Vífill – félag einstaklinga með kæfisvefn og aðar svefnháðar öndunartruflanir.

SÍBS á og rekur endurhæfingarmiðstöðina Reykjalund og öryrkjavinnustaðinn Múlalund, og sinnir ásamt Hjartaheillum viðtækri forvarnastarfsemi með leit og greiningu gagnvart almenningi um land allt undir merkjum “SÍBS-lestarinnar”.

Fyrir hönd SÍBS vil ég lýsa ánægju félagsins með markmið frumvarpsins, og vona innilega að starfsemi sjúklingafélaga rati með öyggjandi hætti inn í það.

Reykjavík, 15. nóvember 2011

Virðingarfyllt,

Guðmundur Löve
framkvæmdastjóri SÍBS



Alþingi
Erindi nr. P 140/501
komuðagur 29.11. 2011

UMBOÐSMAÐUR BARNA

Nefndasvið Alþingis
Efnahags- og viðskiptanefnd
Austurstræti 8-10
150 Reykjavík

Reykjavík 24. nóvember 2011
UB: 1111/4.1.1


Efni: Frumvarp til laga um skattaívilnanir í þágu tilgreindra félagasamtaka (skattfrádráttur vegna gjafa), 107. mál.

Vísað er til tölvupósts frá nefndasviði Alþingis, dags. 9. nóvember sl., þar sem óskað er eftir umsögn umboðsmanns barna um ofangreint frumvarp. Umboðsmaður barna vill þakka fyrir tækifæri til að koma með athugasemdir við frumvarpið.

Með umræddu frumvarpi eru lagðar til skattaívilnanir í þágu ákveðinna félagasamtaka. Ljóst er að mörg félagasamtök sem gætu nýtt sér þann skattaafslátt sem frumvarpið tekur til starfa í þágu barna auk þess sem börn eru oft þátttakendur í starfi þeirra. Með því að koma til móts við félagasamtök og veita afslátt þegar kemur að greiðslu opinberra gjalda má leiða líkum að því að aukið fé sé notað í þágu barna.

Umboðsmaður vill gjarnan nota þetta tækifæri til að koma eftirfarandi á framfæri við nefndina. Við athugun umboðsmanns barna á styrktarsjóðum og öðrum sjóðum sem nýtast eiga börnum kom í ljós að mjög takmarkað eftirlit er með þeim. Því er hætt á að það fjármagn sem er til ráðstöfunar nýtist börnum ekki beint. Umboðsmaður barna vekur því athygli á mikilvægi þess að eftirlit verði haft með umræddum skattaívilnunum sem og sjóðum og styrktarsjóðum sem eiga að nýtast börnum.

Virðingarfyllt,


Margrét María Sigurðardóttir,
umboðsmaður barna